



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 87. Quid posit circa visit visitationem, & dandam licentiam
monialibus egrediendi monasterio.

[urn:nbn:de:hbz:466:1-73957](#)

nonicis, qui jurarunt desuper, electus dein in Episcopum, illud non diminutum exigere potest. quæst. 498.

Quæst. 87. Quid possit circa visitationem, & dandam licentiam monialibus egrediendi monasterio?

1. **R** Esp. Ad primum: Visitare potest, non tantum particularē ecclesiam, sed etiam totam diœcesin simpliciter & indistincte, sicut potest Episcopus, & quolibet anno durante vacatione per plures annos, non exspectato triennio. qu. 501. Idque per Vicarium suum generalē, qui id poterit sine speciali ad hoc accepta à Capitulo commissione; aut etiam per speciale ad hoc munus visitandi deputatum visitatorem q. 502. An vero Capitulum Sede vacante visitare possit exemplos, & maximè monasteria exempta monialium, controvertunt AA. utriusque sententiae fautores & fundamenta retuli, qu. 503; pro affirmativa adducitur, quod, dum muneri episcopali aliquid jurisdictionis tanquam Sedis Apostolica Delegato in perpetuam committitur; ut deinceps ex officio Episcopi competat, ea potius sit jurisdictionis ordinaria quam delegata, adeoque transeat ad Capitulum Sede vacante. Oppositiæ sententiae fundamentum est omnino contrarium, nempe quod in casibus, in quibus conceditur Episcopo (et in perpetuum) ut procedat tanquam Sedis Apostolica Delegatus, non sit facultas ordinaria, adeoque non transeat in Capitulum. De quo fundamento supra, ubi, quod Capitulum succedit in jurisdictione ordinaria. ex quo fundamento facile hi AA, foliunt adducta in contrarium.

2. Resp. ad secundum juxta jam relatas sententias oppositas, nimurum Capitulum Sede vacante non posse monialibus exemptis concedere licentiam egrediendi monasterio, si id ipsum possit Episcopus facultate pure seu tantum delegata sibi. Secus, si id spectet ad potestatem illius ordinariam, vide me. qu. 504. Dare autem posse Episcopum licentiam ingrediendi monasteria monialium (intellige ex cœla rationabili) communius tenent AA. quia censent id spectare ad jurisdictionem ordinariam Episcopi. qu. 505.

Quæst. 88. An Capitulum dare possit licentiam novitiis, ut intra duos menses ante professionem disponere possint de bonis suis?

R Esp. Affirmative, qu. 506.

Quæst. 89. An Capitulum dare possit clericō licentiam transeundi ad alienam diœcesin, dum forte ibi adipiscitur beneficium?

R Esp. De hoc controvertunt AA. negantes pro fundamento habent, quod Capitulum Sede vacante alienare nequeat bona & res ecclesiæ, adeoque multo minus personas. Probabilius id affirmantium fundamentum est, quod id spectet ad jurisdictionem Episcopi ordinariam, & talis translatio clerici non sit propriæ alienatio rerum Episcopatus. vide qu. 507.

Quæst. 90. Quid possit circa celebrandam Synodum?

R Esp. Synodum diœcesanam à Capitulo Sede vacante cogi non debere, ubi Sedes diu vacatura non esset. Posse tamen illam cogi ob ingruentem necessitatem aliquam, quæ moram non pateretur, & cui aliter occulti non posset; non tamen extra hos casus; cum cogere Synodum sit inter res valde arduas, & de confusitudine non nisi Prælatis ecclesiæ competentes, sententia aliqui, alii contrarium sententibus, nimurum Capitulum id posse simpliciter, non secus ac Episcopus; cum non minus sit de lege ordinariæ jurisdictionis annuatim cogere Synodum quam vilitate. vide qu. 508.

Quæst. 91. Quid possit circa dandam Commissionem extraneo Episcopo exercendam Pontificalia, & dandas dimissorias?

1. **R** Esp. Ad primum: De hoc dixisse me. qu. 509. nimurum, quod possit id committere alicui Episcopo in diœcesi vacante commoranti, aut aliunde ad hoc invitato seu accersito. Quod ipsum poterit circa ultiorem & specificam commissionem seu mandatum Capituli Vicarius ejusdem, si est Episcopus. Potest item, etiam intra primum annum vacantæ, tali Episcopo dare licentiam in diœcesi ecclesiæ vacantis ordinandi extraneos habentes dimissorias à suo proprio Episcopo vel Prælato regulari. Item ordinandi subditos suos, etiam non arctatos, habentes dimissorias à defuncto Episcopo vel Papa, vel Nuncio (qui eas etiam intra primum annum vacantæ dare potest) neque enim id prohibetur Capitulo à Tridentino aut alibi, sed solum, ne ipsum Capitulum det non arctato dimissorias intra primum annum vacantæ, in viii quarum ordinarii valeat ab alio Episcopo, de quo paulò post. Neque etiam prohibet Tridentini ordinarii subditos talis diœcesis non arctatos, non egerentes dimissoriis, aut iis jam aliunde instructos. Uti etiam potest Capitulum habenti facultatem à Sede Apostolica suscipiendo ordinem cum licentia ordinarii hanc licentiam intra annum primum vacantæ concedere. Potest quoque licentiam exercendi pontificalia & conferendi Ordines datum alicui Antistiti ab Episcopo defuncto revocare, non secus, ac removet Vicarium generalem ab Episcopo defuncto constitutum. Id tamen facere requiret, ubi talis Episcopus titularis ad hoc datus fuisset ob Episcopi minorem ætatem vel non consecrationem, uti nec removere illum aut impeditre, ubi is datus à Metropolitano in casu, quo is illum dare potuit. Et ubi Capitulum illam licentiam non revocavit, potest talis Episcopus titularis, etiam assumptus à defuncto Episcopo ad hoc, legitimè & absolute pergere conferre ordines subditis non arctatis intra primum annum vacantæ, sicut faciebat prius vivente Episcopo; cum ad summum prohibeat tantum Capitulo, ne facultatem illum ordinandi prius non habitam à tali Episcopo ei concedat pro primo anno vacantæ.

2. Resp. Ad Secundum: Dare potest intra primum annum subdito suo non arctato, habenti aliunde dimissorias literas testimoniales de vita, moribus, & idoneitate in ordine ad inscipiendos Ordines, quæ longè quid diversum sunt à dimissoriis. qu. 511, potest etiam, ut videtur est apud me, qu. 412. quart-